

Pregunta di **reflexion y discusion** pa compaña e novela **Manuel** di Desiree Correa:

1. Ken ta e señora cu ta bin bishita cas na cuminsamento di e buki? Y dicon?
2. Di kico Manuel y e señora ta papia bou palo? Con Manuel ta sinti y kico su miedo ta?
3. Cu cuanto aña Manuel a bin Aruba for di Colombia? Bo por conta algo di su bida ayanan y su bida na Aruba? Menciona algun detaye.
4. Con bo sa cu e mayornan di Misha Tienhuizen ta bon para? Menciona tur e detayenan cu ta refleha esaki den e texto (pagina 9 – 12), incluyendo e titulo di e capitulo y tambe e ilustracion (pagina 10)!
5. Kico ta e soño di Manuel?
6. For di ken su perspectiva e buki ta skirbi? Splica dicon.
7. E novela ta structura:
 - Den un orden **cronologico**? (Segun e orden cu e eventonan a sosode);
 - Of den un orden **no cronologico**? (E orden logico di e eventonan ta wordo interumpi, sea cu:
 - *flashback* cu ta bula bay bek pasado;
 - of cu *flashforward*, cu ta bula bay futuro).
8. Cua tabata e motibo di e pelea?
9. Dicon Pierre no ta gusta Manuel? Menciona mas cu un motibo.
10. Kico ta e tema principal den e buki aki?
11. E autor ta haci uzo di humor den su buki. Ki parti(nan) di e storia bo a haya pret?
12. Kico ta sosode cu Manuel y Pierre despues di e pelea y con cos ta caba entre nan?
13. Con Misha a sinti su mes den cinema ora cu Manuel a purba di sunchi e y mishi cu ne? Con el a reacciona? Bo ta kere cu el a handle e situacion bon? Dicon si, of dicon no?

Nos como hende, tin un tendencia natural pa sinti mas comodo cu otro hende cu ta mescos cu nos. Pero pa **discrimina** hende, tin un *intento* den wega: nos ta scoge pa trata un persona of un grupo di hende na un manera inhusto y fastioso, cu ta haci nan daño di un of otro manera. Maltrip!

Y pakico? Pasobra nan no ta mescos cu nos. Por ehempel pasobra nan ta muestra otro, tin un handicap, of nan ta di un otro cultura, religion, status economico, sexo, of orientacion sexual cu nos. Echo ta, cu **no tin motibo logico y husto** pa discrimina un persona of un grupo completo di hende!

14. Ora hende ta discrimina, nan ta haci esaki pasobra nan tin **prehuicio**: pensamento negativo tocante un grupo di hende, cu no ta basa riba echo y logica.

- Kico ta algun di e prehuicionan cu bo a topa den bida real?
- Y den e buki?
- Cua(nan) di e personahenan ta parce di tin prehuicio?



Nos **tur** por tin **prehuicio** – tin ora sin cu nos mes ta consciente di esaki!

Ta bon posibel cu nos a lanta ta tende hendenan rond di nos ta papia tocante cierto gruponan di hende na un manera negativo. Sin cu nos sa, nos por tuma over e pensamentonan aki.

Un cos bon ta, cu nos por bira consciente di esaki y dicide di pensa pa nos mes!

15. Tin hopi sufrimento ta pasa na mundo, pa motibo cu hende ta discrimina otro. Bo por menciona algun ehempel di esaki cu a sali den noticia recientemente, den historia of actualmente?

*“**Manuel** ta un buki cu ta sali di un situacion cu ami personalmente a biba den dje. Niun hende ta bandona su pais si no ta pa busca un miho futuro y hopi di nos ta lubida esey.*

No husga ni generalisa un persona di afo cu a bin aki pa gana su pan honestamente. Manuel ta un refleho di loke hopi mucha hoben Latino ta pasa aden.”

Desiree!